

Bosna i Hercegovina  
Federacija Bosne i Hercegovine  
Kanton Sarajevo  
JU Treća gimnazija  
Vijeće roditelja školske 2023/24. godine

Sarajevo, 04. 06. 2024. godine

## ZAPISNIK

### Četvrte redovne sjednice Vijeća roditelja

Četvrta redovna sjednica Vijeća roditelja održana je 04.06.2024. godine u školskoj biblioteci Treće gimnazije sa početkom u 17.30 sati.

Sjednici je prisustvovalo 14 članova Vijeća roditelja (od neophodnih 13 koliko iznosi kvorum neophodan za odlučivanje prema članu 16. Poslovnika o radu Vijeća roditelja). Odsutno je bilo 10 članova Vijeća roditelja od kojih je 6 najavilo svoj izostanak (g. Tihomir Veselinović I3, gđa. Maksida Ibrahimović I4, g. Samir Pleho I6, g. Feriz Bešić II6, gđa. Amra Škapur III4 i gđa. Armina Puzić IV2), a g. Osman Terzić II5, gđa. Velida Begović IV1, g. Rifat Fetić IV3 i gđa. Maida Agić IV4 su nenajavljeno odsustvovali.

Sjednici Vijeća roditelja također su prisustvovali predstavnici škole JU Treća gimnazija i to direktorica škole gđa. Amra Čolić i pedagog škole gđa. Hasija Dedović.

Dnevni red sjednice bio je:

1. Usvajanje Zapisnika sa Treće redovne sjednice Vijeća roditelja JU Treća gimnazije
2. Informacije o realizaciji Dana otvorenih vrata Treće gimnazije
3. Informacije o realizaciji Matarske večeri
4. Izvještaj o realizaciji ekskurzije učenika trećih razreda
5. Sudjelovanje u radu Koordinacije Novo Sarajevo VROSŠKS
6. Izvještaj o finansijskoj podršci roditelja za projekte učenika i unapređenje uvjeta rada i odgojno-obrazovnog procesa JU Treća gimnazija u saradnji sa Udruženjem „Alumni Treće gimnazije Sarajevo“ u toku školske 2023/24. godine
7. Razmatranje nastavka finansijske podrške roditelja za projekte učenika i unapređenje uvjeta rada i odgojno-obrazovnog procesa JU Treća gimnazija u saradnji sa Udruženjem „Alumni Treće gimnazije Sarajevo“ u narednoj školskoj 2024/25. godini
8. Informacija o realizovanim aktivnostima VR u tekućoj školskoj godini - preliminarni Izvještaj o radu VR
9. Tekuća pitanja (razno)

Dnevni red je usvojen bez zahtjeva za njegovom izmjenom.

### **Ad/1**

(Usvajanje Zapisnika sa Treće redovne sjednice Vijeća roditelja JU Treća gimnazije)

Zapisnik Treće redovne sjednice Vijeća roditelja jednoglasno je usvojen.

## **Ad/2**

(Informacije o realizaciji Dana otvorenih vrata Treće gimnazije)

Informacije o realizaciji Dana otvorenih vrata Treće gimnazije Vijeću roditelja dostavila je pedagogica škole gđa. Hasija Dedović. Ove informacije će (u formi Izvještaja) također biti dostavljene članovima Vijeća roditelja putem mail-a.

Gđa. Dedović je prenijela puno pozitivnih impresija koje su pratile ovaj događaj u školi koji je, osim što je širom otvorio vrata škole djeci (koja pohađaju ili će pohađati Treću gimnaziju) i njihovim roditeljima dajući im priliku da naprave izvjestan uvid u dio onoga šta škola radi i nudi, imao i humanitarni karakter. Tako su sakupljena izvjesna novčana sredstva za potporu realizacije ekskurzije trećih razreda škole za učenike kojima su ta sredstva nedostajala.

Škola i Vijeće roditelja iz sveg srca zahvaljuje svim onim pozitivcima koji su nesebično pomogli da niko od učenika naše škole, koji to želi, ne izostane sa ovog prelijepog putovanja.

## **Ad/3**

(Informacije o realizaciji Maturске večeri)

Direktorica škole gđa. Amra Čolić prenijela je puno toga što je pratilo Matursku večer završnih razreda škole naglasivši da je, prije svega, sve proteklo u najboljem redu. Treća gimnazija je uspjela, pojasnila je, za svoje maturante na vrijeme dogovoriti i organizovati ovu večer u susjednom (pored Treće gimnazije) hotelu „Novotel“ (Bristol) što nudi niz pogodnosti (od toga da učenici i roditelji se ne moraju organizovati prevoz maturanata od škole do hotela pa do izuzetnog nivoa usluge samog hotela u kontekstu cijene za istu).

Prisutni su toga dana mogli svjedočiti jednoj jako lijepoj organizaciji škole povodom ove prigode posvećene našim maturantima koji su, predivni i izuzetni, razred po razred, sa svojim razrednicima, sa svojom muzičkom numerom, prodefilovali prepunim Vilsonovim šetalištem. Sve skupa, razlog zbog kojeg trebamo biti zaista ponosni.

## **Ad/4**

(Izvještaj o realizaciji ekskurzije učenika trećih razreda)

Direktorica škole gđa. Amra Čolić podijelila je sa Vijećem roditelja informacije i iskustva koje se odnose na ekskurziju učenika trećih razreda škole. Ekskurzija je organizovana u maju radi boljeg cjenovnog odnosa u odnosu na druge mjesece (npr. juni). Utisci su, kaže, jako dobri a putovanje je proteklo bez problema. Krajnja destinacija ekskurzije bila je Barselona a za agenciju koja je izabrana da organizuje ovo putovanje („Divan Karupović“) mogu se iskazati samo riječi pohvale i preporuke za dalju saradnju.

Puno toga je, prenosi, tokom ove ekskurzije bilo na nivou (uključeni su svi izleti i posjete npr. posjeta čuvenom Akvarijumu u Barseloni, planirana satnica se poštovala i nije bilo kašnjenja, hrana je bila jako dobra i svježa i na licu mjesta se pripremala, niko se nije razbolio na putovanju, niko nije izostao sa nečeg planiranog, djeca su bila skupa a time i sigurna koliko je moguće).

Gđa. Snježana Brkić (III3) je zahvalila, u svoje ime i u ime razreda koji predstavlja, svim onim koji su pružili finansijsku potporu (učenicima kojima je to bilo potrebno) za realizaciju ove ekskurzije. Riječi pohvale uputila je i za agenciju „Divan Karupović“ uz preporuku dalje saradnje sa njima (u

oviru mogućnosti izbora). Organizacija je bila, kaže, jako dobra jer su djeca bila zajedno (bez izdvajanja i izostajanja) što doprinosi sigurnosti djece.

Gđa. Admirala Salić-Čano (III6) je također iskazala riječi pohvale za organizaciju ekskurzije potencirajući odgovorno i adekvatno ponašanje nastavnog kadra na ekskurziji.

#### **Ad/5**

(Sudjelovanje u radu Koordinacije Novo Sarajevo VROŠKS)

Predsjednica Vijeća roditelja gđa. Aida Aganović (II1) izvjestila je Vijeće roditelja da zapravo, u međuvremenu (u periodu između Treće i Četvrte sjednice našeg Vijeća roditelja), nije bilo sjednica Koordinacije Novo Sarajevo VROŠŠ Kantona Sarajevo pa nam u tom smislu i ne može prenijeti neke posebne informacije. Nisu se mogli, kaže, dogovoriti oko dnevnog reda sjednice Koordinacije.

#### **Ad/6**

(Izveštaj o finansijskoj podršci roditelja za projekte učenika i unapređenje uvjeta rada i odgojno-obrazovnog procesa JU Treća gimnazija u saradnji sa Udruženjem „Alumni Treće gimnazije Sarajevo“ u toku školske 2023/24. godine)

Direktorica škole gđa. Amra Čolić, koordinirajući sa predsjednicom Vijeća roditelja gđom. Aidom Aganović - ujedno predstavnicom Vijeća roditelja za saradnju sa udruženjem „Alumni Treće gimnazije Sarajevo“, prenijela je Vijeću roditelja neke okvirne informacije finansijske podrške roditelja projektima škole zahvaljujući se na podršci roditelja.

Zaključno sa 04.06.2024. godine izvršene su 134 uplate roditelja u iznosu 6.060 KM. Trenutno stanje finansijskih sredstava namjenjenih projektima škole na računu udruženja „Alumni“ (nakon utroška istih za projekte škole) iznosi 1.873 KM.

Vijeće roditelja je na prethodnim sjednicama svojim zaključcima kao i ugovorom potpisanim sa udruženjem „Alumni“ detaljno informisalo roditelje o projektima koji se podupiru ovim sredstvima i važnosti ove potpore za našu djecu i školu.

#### **Ad/7**

(Razmatranje nastavka finansijske podrške roditelja za projekte učenika i unapređenje uvjeta rada i odgojno-obrazovnog procesa JU Treća gimnazija u saradnji sa Udruženjem „Alumni Treće gimnazije Sarajevo“ u narednoj školskoj 2024/25. godini)

Vijeće roditelja je i na ovoj sjednici (sa 12 glasova - Za i 2 glasa - Suzdržan) dalo punu podršku saradnji Vijeća roditelja sa udruženjem „Alumni Treće gimnazije Sarajevo“ u cilju podrške projektima škole dajući preporuku budućem Vijeću roditelja školske 2024/2025. godine za nastavkom ove saradnje.

G. Adnan Hajrulahović (II2) i g. Mirza Hulusić (I5), dva suzdržana člana tokom glasanja, su bili stava da je davanje ove preporuke Vijeću roditelja školske 2024/2025. u ovom trenutku suviše obzirom da ugovor Vijeća roditelja školske 2023/2024. godine sa udruženjem „Alumni“ važi do 01.11.2024. godine i da se za sljedeću školsku 2024/2025. godinu o tom ugovoru treba izjasniti Vijeće roditelja školske 2024/2025. godine.

**Ad/8**

(Informacija o realizovanim aktivnostima VR u tekućoj školskoj godini - preliminarni Izvještaj o radu VR)

Izvještaj o radu Vijeća roditelja školske 2023/2024. godine je već dostavljen članovima Vijeća roditelja putem mail-a kao pripremni materijal za sjednicu. Vijeće roditelja nije imalo primjedbi na ovaj Izvještaj.

**Ad/9**

(Tekuća pitanja)

Gđa. Dalida Karabdić (I2) se obratila Vijeću roditelja sa inicijativom da Vijeće roditelja putem svoje predsjednice u radu Koordinacije Novo Sarajevo VROSŠKS gđe. Aide Aganović delegira prema nadležnim institucijama problem izostanka osiguranja učenika škole (Treće gimnazije) na području Kantona Sarajevo koji su prebivalištem prijavljeni u nekom drugom kantonu.

Vijeće roditelja je prihvatilo ovu inicijativu a njegova predstavica u Koordinaciji gđa. Aida Aganović će nastojati delegirati ovaj problem nadležnim institucijama.

Četvrta redovna sjednica Vijeća roditelja završena je u 18.45 sati.

Zapisnik sastavio:

g. Izet Turković, sekretar Vijeća roditelja

Zapisnik ovjerila:

gđa. Aida Aganović, predsjednica Vijeća roditelja

---

---